

# ՏԱՂ Ի ԾՆՈՒՆԴՆ ՔՐԻՍՏՈՍԻ

( Կ Ե Ն Կ Ա Պ )

Կայր կոյսն 'ի յայրին  
 Կայր և զուարճանայր.  
 Կամէր ծնանել  
 Զկիանս ազգի մարդկան,  
 Կոյսն ծնանէր  
 Զկեանս ազգի մարդկան  
 Զէակիցըն Հօր,  
 Զօրհնեալ կենսատու Փրկիչն:

Կայծակնատեսիլ  
 Կարմրացայտ ամպոյն,  
 Կապեալ սիւն լուսոյ  
 Կանգնեալ 'ի յերկնուստ:  
 Կոյսն":

Կարևոր խըմբից .  
 Կանչեն 'ի յերկնից .  
 Կենարար ծընաւ  
 Կեցուցիչ բաղմաց:  
 Կոյսն":

Կերպ մի 'ի զընդէն  
 Կարգ մի 'ի թուոցն,  
 Կանչեն առ Հովիւսն  
 Կարևոր ազգմամբ:  
 Կոյսն":

Կըրկնեալ առ նոսա  
 Կրթական մըտօք  
 Կարևոր յուսով  
 Կանխեալ 'ի յերկնուստ:  
 Կոյսն":

Կանչէր կըրկնիւով  
 Կարապետին մայրն.  
 Կաքաւէր փութով  
 Կարևոր պառան:  
 Կոյսն":

Կորուսեալն Եւայ  
 Կողոպտեալ կենօք  
 Կանկնեցաւ կայուն,  
 Կայր մօտ առ Կուսին:  
 Կոյսն":

Կռկոճեալ ոտիւք  
 Կորափիտ կողօք  
 Կաղացեալ կենօք  
 Կուսին կորացեալ:  
 Կոյսն":

Կարմրալար այտիւք,  
 Կապուտակ չըրթամբ,  
 Կոճողեալ հերօք,  
 Կայթէր արտասուօք:  
 Կոյսն":

Կողկողեալ մարմնով  
 Կարկառէր զբազուկան,  
 Կրրճտէր զատամունս,  
 Կոծէր յոյժ ըզկուրծան:  
 Կոյսն":

Կանչեալ մեծածայն  
 Կոչէր զնախկին Հայրն.  
 Կանգնեալ Աղամայ  
 Ի կործանմանէն:  
 Կոյսն":

Կողկողէր բազկօք  
 Կոչէր արտասուօք.  
 Կենարար Փրկիչ,  
 Կեցո՞ղկորուսեալս:  
 Կոյսն":

Կայթելով հովուացն  
 Կոչ ասեն գառանցն.  
 Կապուտակ ուլիցն  
 Կումբ առեալ կայթեն:  
 Կոյսն":

Կէտքն երկուցեալ,  
 Կայտառքն են սարսեալ.  
 Կարկեալ գետք 'ի գէմս  
 Կոծի ծով ալեօք:  
 Կոյսն":

Կայր Տէրն 'ի վերայ  
 Կապուտակ գետոյն.  
 Կամէր մըկըրտիլ  
 Կարապետ բազկաւն:  
 Կոյսն":

Կայր Հայր 'ի յերկինս  
 Կանչէր Մըկըրտէին.  
 Դա է իմ որդի  
 Կամաց կատարող:  
 Կոյսն":

Կայր և սուրբ Հոգին  
 Կապուտակ ամպով,  
 Կայծակնագունով  
 Կերպիւ աղանւոյ:  
 Կոյսն":

ՍՐԵԿ ԿՈՍՏԱՆԴՆ: